



猗蘭臺集

一 二稿

~ 16
3371
8



1788
8

Faint, illegible text within a rectangular border on the left page, possibly bleed-through from the reverse side.



門 16
號 3371
卷 8



倚蘭臺集卷之一 二稿

久林
卷一

詩

仲秋雨子遷不至賦贈

仲秋空月色夜雨草堂中
三徑渺偏暗孤燈獨
更紅把杯思雅興懸榻聽悲風
君有相如賦怪君病亦同

懷君瑞

倚蘭臺集卷之一 二稿

42-11113

憶昔城西會醉來相共狂絃歌懷夜月詩賦數
星霜上苑朝霞朗神門夕景涼風塵懸咫尺還
似各天長

其二

爲忘塵世劇強自對樽前狂醉二三酌人生七
十年何時同故態落日上懷僊多病唯藥物不
思妙手憐

其三

殘暑日仍苦雨過散鬱蒸清風落懸榻新月照
幽燈老去違盛世病來思茂陵匣琴足乘興悵
望拂朱繩

子夜歌

自別立前門愁草日盈路愁草何爲愁信斷謾
侵露
十年如百年儂常無所作歡自種黃蘗苦心已
成樹

誰能臥不寢誰能寒不重
矯頭只怨慕歡何能如儂

春風榮林花爛熳動春心
郊外陽鳥嚙鬚何處音

羅裳不出門別後閉碧樓
春色已還往幾度我獨留

春日偶成

堂上無人對濁醪
青山十載待吾曹
蘭州水暖

艾蕭長鳳際天遙
燕雀高心折病軀
春尚懶悲來歸思
夢彌勞何時飽為
竹林醉狂態絃歌
相共遭

春日邨居

青雲何所樂高枕是
生涯心靜看彌靜
疎花日夕佳

船自繫門柳柳青人
未乘唯斟一清酒
不見集蒼蠅

黃鶯近檐轉恰恰若無人能識深隱志朝昏來自親

青青西畔草鬱鬱北隣林暮見樵夫返朝聞啼鳥音

勿笑北山靈不欺松桂心十年黷塵俗乍洗石泉音

拂衣始逢春草木風塵絕徐步坐莓苔坐對遠山雪

閑花開且落濁酒醉復醒歲歲花兼酒醉醒一百齡

新花含細雨歸雁入遠雲知己乾坤少悵望白日曛

輕裘肥馬身榮名驚人目皆言元是難豈如愛松菊

朱絃彈不罷微月映前川隨意是吾友何求世上憐

秋日憶故人

蓴鱸遙望對秋風故國音書行雁空帆影江南
天際色茫茫更入白雲中

寄竺菴

君愛清涼驚嶺頭香雲花雨繞臺幽我憐天際
芙蓉色白雪東懸初日浮

團扇郎

與持白團扇明月光相照自與郎相別片月照

窈窕

白團扇春秋辛苦連顛賴郎所見

白團扇與郎憐華容羞老不可見

前溪歌

前溪水潺湲此水東北去東北黃葛生蒙籠尋
何處寧尋郎能慮
流去不復還郎心前溪水捨故已引新新來不
可止

逍遙館飲同南郭賦得暉字

高臺倚翠微檻外照斜暉酒熟玉山倒坐閑
白雪飛香煙翻孔雀歌曲落金徽意氣論千古
吾曹豈擬歸

桃葉歌

桃葉復桃葉枝連根亦連相樂無所苦獨使我
相憐

桃葉復桃葉感君不相離風波不待檝渡江今

何之

送張秀才歸鄉

秋風一夜蘆花飛人道扁舟張翰歸到日豈無
鱸膾興江東元自有光輝

烏夜啼

可憐生離憂儂歡阻千里烏生夜啼飛飛飛思
無已

底事烏曰烏夜啼且何去儂思愈痛切遠望至

天曙

布帆大江上蘆荻長如苗與歡執之別幾度見
霜凋
一自辭家去牕下阿那坐不須疑儂心戶戶日
深鎖
欲往無兩翅獨守久離家歲月夜啼盡歡心獨
奈何

懊儂歌

絲布澀難縫蠶麻勞儂心遊戲黃牛車遠入千
花林

碧玉歌

碧玉小家女芙蓉含露媚感郎金蘭結凌霜尚
不衰
碧玉小家女芙蓉朝含露感郎情意切寤寐無
不慕
碧玉上宮色秋容故尚美婀娜就郎抱郎不顧

桃李

石城樂

相對石城下城中笑語聲蛾眉翳半見少年多
含情

布帆起江津風波思遠行與歡又何日開牕對

石城

相別方山亭摘花插環髻與歡約還期雙淚盈
衣袂

同賦海門納涼

放艇三义口海門沈落暉烟波千里動房總片
雲飛迴棹晚潮滿舉杯初月微漁歌從爾和鼓
枻醉同歸

題山水畫

江外遠林暮孤舟古渡濱堂中何者住恐是愛
山人

長樂佳

鴛鴦交頸游寢食常相同玉枕龍鬚席長樂佳
何窮

欲知長樂佳中陵羅鴛鴦欣歡兩心諧
欲知長樂佳中陵羅雌雄比翼雙情齊

莫愁樂

莫愁石城下共發忘愁聲歡去何忘愁江水千
里程

一別楚山頭執手淚如雨布帆江水急愁情歡

看取

襄陽樂

樂作襄陽樂城傍大堤女花豔皆春態薄暮何
處去

歲寒襄陽城長松凌嚴霜千載雖同色歡心何

一蒼

壽陽樂

一自遠行去望風雲夙夜不忘君

開牕納秋涼抱一琴歎息復苦吟

河山何高深望渺漫別後獨不安

皓皓東山月明如鏡何歲與郎映

黃鵠曲

黃鵠參天飛半道獨悲鳴高翔覓羣侶悵傷生

離情

黃鵠參天飛半道雲作關欲飛迷前後哀鳴憶

同班

江陵女歌

雲出入山岫水下合江海拾得娘結帶同心同

千載

估客樂

一在樊鄧游相尋追往事誰為感憶聲江中思

難寄

黃竹子歌

水頭黃竹子編為女兒箱與孃乘一船棹歌將

還鄉

春宮曲得風字

牆外紅霞繞漢宮
玉階桃李亂春風
錦裳翠粲從青瑣
都會君王絃管中

春日謾成

桃李有何意
嫣然媚漢宮
由來夸雨露
不必待東風

甲寅春正月飯高子六十初度請予詩因

賦贈

萬里春風入壽筵
杯巡共唱南山篇
請看天際千秋雪
忽自芙蓉初日邊

看子遷送別詩戲代其人作

惜君楊柳有誰持
自折慙慙送別離
攜得風光從此去
歸來相怪陶家絲

神弦歌 十一曲

宿阿曲

天門開湛湛地戶閉豐豐八靈相遇會真官亦
下逢

道君曲

庭有桂樹自愛葩秋含風帶露

聖郎曲

容亦不庸庸貌亦不下下金母在郎右玉妃在
郎左旦暮雲覆光奈他不知我

嬌女詩

北游臨河海秋風吹蘆荻菱花與綠蘋返照轉
的皪弦歌清且高三三兩兩奏

白石郎曲

白石郎導江伯前跨翠松後踞石

青溪小姑曲

當戶溪流清望橋梁小姑獨閉奈何無郎

湖就姑曲

赤山湖就頭大磯東西杳綠荇蔽漾流

姑恩曲

明姑在雲中如風語蒼穹前導五蹄麟後從青
螭鸞鳳皇

柏樹晚翠德風霜不敢侵當被天地恩榮茂萬
年林

採蓮童曲

菱葉縈汎舟命童採其葉近摘芙蓉花發歌齊
橫楫

明下童曲

石子彈馬蹄石子落馬上勿中馬上兒阪頭馬
上長

陳孔及陸郎駢駟驕相班射儀勇且正望堂不
欲還

同生曲

歲月如駒過春去秋已來人生須行樂人命何
為哀

秋夜偶成

孤燈獨夜對愁人，事去時移淚濕巾。
經世且叨調鼎末，先朝空老握蘭臣。
梧桐風冷餘斜月，桂樹陰深收點塵。
元自病夫甘寂寞，白茅將結北山濱。

秋深雲外絳河明，四望蕭條客愁生。
抱壁誰知山下淚，老驥獨怨櫪中鳴。
感時彈瑟元難和，遣悶銜杯更自傾。
白露瀼瀼濕衆草，幽蘭何負百

花榮

珊珊佩玉映朝曦，宮闕五雲粲陸離。
烟靜御爐薰畫省，風微翟羽對丹墀。
欄前猶照舊時月，几上空吟賜宴詩。
底事庭梧更催淚，漢臣元自絆秋思。

倚欄長想月斜西，一夕景過千古齊。
金殿秋光興妙曲，綺筵風雅賜新題。
芙蓉池上華空發，佳麗城頭烏夜啼。
當日豈無葵藿志，病軀老去思

巢棲

行雁送書知為誰故園千里白雲悲柳門色帶
金風閉竹里陰含玉露垂狂態一時混禮法交
情十載傷分離秋清頻羨張翰意何日飽開鱸
膾思

九日信筆

把菊入杯中杯中使我樂假令非龍山一酌又
一酌

多病強正冠雁行麒麟閣自言此狂生能堪圖
丘壑

叢菊日爛爛秋葉皆搖落須醉社裏人蘭陵酒
不薄

洗竹

洗竹待涼風涼風自南畝時呼小童頻言早攜
來酒

送日山上人歸泉南

行矣白雲身白雲已歸岫儻乘白鶴翎共附飛
錫後

題瓶裏菊

玉露含芳瓶裏重誰家秋色折來濃若言乘鶴
從仙子羽化高尋飛雪峰

青驄白馬

青驄白馬繫翠松可憐游子西曲中
紫絲鞵羈去何之千里渺茫思歸期

同歌可憐今難得夙夜躑躅心已惑

江陵樂

不復出踈塲獨憶生青草踈塲試將蹋陽春意
都好
出見後園花花開思不開飛鳥皆雙飛郎今何
去來

青陽度

有機豈不織獨聚爛漫絲何知儂無寐為郎成

匹思

下有同心藕上有並頭蓮映水色相結芙蓉紅
艷鮮

除夜

忽驚白髮三千丈何事蕭然得箇長人道明朝
春已至風塵十載老星霜

寄日山上人

羨君縱目雨花臺千里潮音曙色開何日抱琴

彈不罷朱絃漫為世人催

題白鶴畫

氣清鳴九皋雙鶴玉姿高忽爾將飛去欲乘
我勞

除夜漫成

百盃復百盃年年添盃數酒巾敝將彈孤松猶
堪撫

署中戲作

建章西望雪崔嵬坐裏名山如畫來若使羣臣
獻詞賦何人能似子雲才

元日朝參

蓬萊曉響金瑯冠蓋幢幢映大陽西嶽雪當
三殿聳大江潮傍五城長玉爐烟靜芙蓉障鳳
管聲繞玳瑁梁曲罷百官堪獻壽恩兼春色徧
飛觴

睡起

破却甕頭睡甕頭心未休謾言能解去能解何
人愁

逍遙館春燕

墻外白馬驕雙雙過大道青眼任科頭酒闌籍
春草

和子恕題牡丹畫

霓裳與紅衣共似爭春色欲攜不得攜此花何
人植

元日詞

蓬萊正殿五雲高
紅日初生開羽旄
椒酒恩深百官醉
朝儀例賜赭黃袍
佩玉聲先曉
漏聞御爐香
向日光薰時
看廣樂
鈞天上忽似游龍登碧雲

初春逍遙館讌子遷至席上賦酬

草堂何所饗
唯一尊春笑
欲賦鱸膾為堪沾
酒中初筵梅半發
再會柳全新
願得緣餘澤
澤世

言四經人

春望

江山易動故園情
一望翻愁雲雨晴
遊子不知由芳草
共揚新製採花聲
逍遙館春讌得歌字
席上贈子遷
坐看鴻雁碧雲過
萬里江山寒色多
不是陽春遲和氣
君家白雪入高歌

共戲樂

風和民康德化盛歌樂四方各相競
天辟明明緝熙彰萬國獻樂仁沾昌

安東平

大雪如斗四野皚皚行道不通船道不開
細布自制為數丈情願作郎袴相共縱橫

山女兒子

峽上哀猿夜三鳴淚落巴東到深更

來羅

黃花已爛漫爛漫又已衰可憐鬱金色無有常
美姿

人生悲白頭白頭已易得日徂月復來遊戲惜
一刻

春怨

飛花凌亂繞昭陽宛轉春風笑語長宴酒日斜
映紅粉都將醉色侍君王

遙聞絃管轉春風翠帳金屏月影空深夜尋思

無限恨不知何自入西宮

喜雨

曉天來急雨暑去早涼新
庭樹復歸綠胡牀自
絕塵夏田承膏澤風渚起青蘋
欲作北牕睡羲皇已有人

坐忘亭晚涼

坐忘亭上物即自引風來
清涼穩高臥或疑是
楚臺

送別

西出函關海氣寒遠灘千里望漫漫
不知何處君乘興回首名山雲裡看
天涯相遇此相分難定人間欲送君
潮滿布帆飛似矢大灘七十五風雲
遙看霄漢玉筍山感月驚風心不閑
憑雁封書一行去無邊秋色慰誰顏

秋渚夜泊

狂齋集卷之一
二十一
蘆花秋冷暮沈沈
一夜客舟楊柳陰
四灞離宮雲裡聳
三緣寶樹月中深
蘭洲回首人蕭瑟
雁路無音淚滿襟
何事頻驚十年夢
雍州千里勞歸心

秋日漫成

風急霜寒萬馬鳴
君王自獵出西營
金原旗合龍蛇氣
白日戈熒豹虎兵
豐草枯荒於菟猛
高雲搖動旅鴻驚
獲多飲飽皆堪賦
歡樂誰能思

長卿

那呵灘

郎去何時還
道邊行人絕
行人長斷絕
書信憑何設
相約金蘭契
百思纏不安
幸為篙櫓折
與郎為交歡

孟珠

人言儂家富
龍頭插玉釵
縱有滿堂金
只怨郎

不回

陽春二三月紅花蔽綠水花香歡氣息思從心
下起

翳樂

春花始開時實含窈窕色一旦花已衰久別不
可識

翳樂歌舞日與郎信自樂相見曲曲變勿變歡
愛樂

夜黃

鴛鴦集水渚半合半是離衆鳥來爭翅雌雄苦
相思

夜度娘

白雪夜來積布帆去至曙遠抱儂身苦風波起
處處

殿前生玉芝其莖十三大小如月數上下
共歡

命置之盤上亦如慶雲然 臣忠統 恭賦此

奉賀嘉瑞

金殿生三秀玉盤見數根莖同萸莢記蓋似慶
雲屯周讌催南籥漢臣沾上尊應緣文德盛造
化感君恩

新林

吹臺高出大江西重疊新林與閣齊似有巫山
雲雨色朝朝暮暮使人迷

從軍行

漠北冥雲晝欲昏行軍百萬陣洪原請看處處
飛蓬色忽逐驚風無復根

江上雨

送風江上雨江外引餘曛新樹多含露青山半
入雲前村漁火小遠寺宿鴉羣暫浥塵埃日未
能遁世氛

夏日客至云願坐雄風因賦

披襟欲向大王風臺上快哉來碧空自是緣令
宋玉賦颯然不與庶人同

有人贈蘭欲聽予彈琴因賦與

風逐秋蘭度素琴清香暗傍美人深彈成坐客
如相問爲說高山流水心

秋日有所思

錦里先生久不回十秋蕭索碧崔嵬嶺雲氣冷
曉猿怨臯樹人空夜鶴哀鹽谷泉聲思鼓瑟葛

城月影問銜杯自疑白髮日相長何事鷓冠辭
草萊

寄懷子遷

壁立芙蓉出壘巒雲中六月雪猶寒請君自愛
東方色誰似一時天際看
盆池夜夜亂蛙鳴寂寞閑庭慰生平相值相歡
君自聽何如鼓吹世間聲

長松標

長生萬年松歲月聽鳴風霜雪寒苦節與我誰
相同

雙行纏

新羅繡行纏足趺白雪凝人言嬋妍好非獨我
所稱

黃督

階前楊柳樹長茂藏斑駁三春久如此况復不
期歸

西平樂

形雖隔千里儂歡情何隔往來一蒼天神交夜
夜迫

攀楊枝

綾羅畫眉姿別後為誰粧自彼攀楊日不復改
衣裳

尋陽樂

故歡與新歡去迎兩情鬪可憐在何處心緒日

重複

作蠶絲

柔桑綠色美採葉阿娜女葉葉已難攀舉手付
高所

春蠶共躊躇躊躇自懷絲身苦身雖盡願思纏
綿時

績蠶共相思成繭且成匹何惜投湯水由來貴
不失

素絲染易變花色久難持不貴花色多但貴成
匹時

別莊偶成

十載青雲上官情非易遭唯從先者進何必我
曹高坐靜援清軫日斜對濁醪由來愁叔夜懶
慢不堪勞

自愛蓬蒿色不關世上憐樵歌聞樹外鳥語近
尊前眼似青中侶心如壺裏仙醉來情愈樂吟

弄閑居篇

去就人間事病夫只愛山爭枝衆雀競浮水一
鷗閑濁酒懶梳髮鳴琴對解顏折腰何所苦著
履日登攀

眺望中原色才名與世非漫求承睫寵誰愛卜
居辭朔氣淒頻至浮雲渺且悲采榮更無賴萬
古獨相思

暮弄琴簫曲朝看麋鹿游坐閑千慮絕聲和上

弦流白露連三徑金風滿一樓此時爲客者獨
有濁醪疾

年少飛騰志清狂詩賦愁莊樗中繩墨楚蕙隱
皋丘夜月皓催淚曉霜白滿頭何時歌快耳甕
缶奈風流

由來狂態甚陋巷却忘勞門擁垂楊杜枕依畫
岳高清風涼勸酒明月祭揮毫秔秫時將熟裁
巾且傲陶

狷齋集卷之一
旦暮憐山水人言隱士居灌園養薑菜坐石釣
鰲魚牀置朱絃瑟匣藏斑管書高歌縱彈手何
顧世間疎

春秋佳趣在造化養清狂桃李映詩咲蕙蘭耽
賦香鳳鳴哀晚世吾道出朝陽相侈二三子乾
坤共徬徨

驥思伯樂才璧值和生哀冀野空荒廢他山已
土灰風霜秋興冽草木夕陽催堪以感情切更

銜濁酒杯

休沐忘憂日松杉山色佳放歌殊懶惰濁酒一
生涯天地感知已簟牀容我儕醉來隨意唱逸
響落空階

楊叛兒

七寶作手鉤龍明月璫眠臥雲母帳會合夢已
長

可憐楊叛兒郎去不知歸歲月如流水柳花幾

度飛

西烏夜飛

高翅烏夜飛冥冥何處往夫婦愛情厚此鳥亦
可想

怨歌行

微風何處起新裂素紈鮮潔如白雪凝皎若明
月圓翩翩在君側窈窕入瓊筵一旦秋風至忽
然淒涼偏乃有貞慙寵篋中空愀然

怨詩行

民生應天授人命皆變易忽然若風燭悠悠如
霜栢朋友難相遇嘉歡信可惜冥夜怪明玉金
篋藏燕石天授信其然勿遺摸範迹去入名山
深文言續舊昔河水不可清何苦百年魄

玉階怨

華殿已生塵玉階空埋苔長夜向明燭思君立
徘徊

秋風奪齊紈明月照珠簾
髮鬢如有影玉樹拂軒檐

歡聞歌

昊天無兩日室家無二夫
歲月思郎恩何報一微軀
木有相思樹復有合歡枝
况復人間世愛憐何為疑

採桑度

陽春採桑女陌上任春風
復任吹春媚不須裝姿容

春桑共蠶生桑葉何紛紛
女兒攀條採率壤紫羅裙

養蠶稍滿百那得成匹絲
願作羅繡襦與歡著一時

三洲歌

風逐三山頭行舟不可停
何時醺醪酒與郎同

醉醒

願為比目魚隨行
郎行處已別板橋灣
三春隔一去

七日夜女郎歌

怨離隔寒暑會期明
秋至駕鸞已濟河
雙情含欣意

機杼未成匹半懸
綺羅絲霄路雲輶出下階
待河陞

白頭吟

皎皎雲端月皚皚山頭雪
歷歷新道開悠悠故道絕
斗酒何鬱鬱長思東西流
流水止不停再會索不求
白頭復白頭歡娛一心人
願共不相離百齡同昏晨
池魚躍復游竹竿嫻且長
釣餌附貞真相對期無疆

所處具昨據賦無難

猶百餘同春景以魚觀對我竹半微且具微
會亦不來白飯對白飯猶發一以入勝共不昨
豈餘半西何難變其思東西流流水土不轉再
知如雲蔽月難難山雨香登登傳真閑感感始

猗蘭臺集卷之一



